



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՇԻՐԱԿԻ ՄԱՐԶԻ ԱԽՈՒՐՅԱՆ ՀԱՄԱՅՆՔԻ  
ԱՎԱԳԱՆՈՒ ՈՐՈՇՈՒՄ**

12 փետրվարի 2025 թվական թիվ 10-Ա

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱԽՈՒՐՅԱՆ ՀԱՄԱՅՆՔԻ  
ՍԵՓԱԿԱՆՈՒԹՅՈՒՆ ՀԱՆԴԻՍԱՑՈՂ 08-027-0015-0019 ԿԱԴԱՍՏՐԱՅԻՆ  
ԾԱԾԿԱԳՐՈՎ ՀՈՂԱՄԱՍՈՒՄ ՔԱՂԱՔԱՑԻ ՅՈՒՐԻԿ ՊՈՒՇԿԻՆԻ ԱԼԵՔՍԱՆՅԱՆԻ  
ԿՈՂՄԻՑ ԻՆՔՆԱԿԱՄ ԿԱՌՈՒՑՎԱԾ ՕՐԻՆԱԿԱՆ ՃԱՆԱԶՎԱԾ ԵՎ ՀԱՅԱՍՏԱՆԻ  
ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱԽՈՒՐՅԱՆ ՀԱՄԱՅՆՔԻ  
ՍԵՓԱԿԱՆՈՒԹՅՈՒՆԸ ՀԱՄԱՐՎԱԾ ԱՐՏԱԴՐԱԿԱՆ ՆՇԱՆԱԿՈՒԹՅԱՆ ՊԱՀԵՍՏԸ ԵՎ  
ԴՐԱ ՊԱՀՊԱՆՄԱՆ ՈՒ ՍՊԱՍԱՐԿՄԱՆ ՀԱՄԱՐ ՆԱԽԱՏԵՍՎԱԾ ՀՈՂԱՄԱՍԸ ԳՆՄԱՆ  
ՆԱԽԱՊԱՏՎՈՒԹՅԱՆ ԻՐԱՎՈՒՆՔՈՎ ՈՒՂԱԿԻ ՎԱՃԱՌՔՈՎ ԿԱՌՈՒՑԱՊԱՏՈՂԻՆ  
ՕՏԱՐԵԼՈՒ ՄԱՍԻՆ**

Ղեկավարվելով «Տեղական ինքնակառավարման մասին» օրենքի 18-րդ հոդվածի 1-ին մասի 21-րդ կետի, հողային օրենսգրքի 66-րդ հոդվածի 1-ին մասի 4-րդ կետի, Հայաստանի Հանրապետության կառավարության 2006 թվականի մայիսի 18-ի թիվ 912-Ն որոշմամբ հաստատված կարգի 35.1 և 39-րդ կետերի դրույթներով, ինչպես նաև հաշվի առնելով, որ ինքնակամ շինությունն իրականացրած, Հայաստանի Հանրապետության Շիրակի մարզի Ախուրյան համայնքի Բենիամին գյուղի բնակիչ՝ Յուրիկ Պուշկինի Ալեքսանյանը 2024 թվականի հունիսի 24-ի իր դիմումով ընդունել է Հայաստանի Հանրապետության օրենսդրությամբ սահմանված կարգով օրինական ճանաչված և համայնքի սեփականությունը համարված 26,96 քառակուսի մետր ընդհանուր արտաքին մակերեսով արտադրական նշանակության պահեստը, ինչպես նաև դրա պահպանման ու սպասարկման համար նախատեսված համայնքի սեփականությունը հանդիսացող 08-027-0015-0019 կադաստրային ծածկագրով 0,00816 հեկտար մակերեսով արդյունաբերության, ընդերքօգտագործման և այլ արտադրական նպատակային նշանակության, գյուղատնտեսական արտադրական օբյեկտների գործառնական նշանակության հողամասի ուղղակի վաճառքով գնման նախապատվության իրավունքը և հաշվի առնելով Հայաստանի Հանրապետության Շիրակի մարզի Ախուրյան համայնքի ղեկավարի առաջարկությունը՝ Հայաստանի Հանրապետության Շիրակի մարզի Ախուրյան համայնքի ավագանին որոշում է՝

1. Ընդունել Հայաստանի Հանրապետության Շիրակի մարզի Ախուրյան համայնքի ղեկավարի առաջարկությունը և Հայաստանի Հանրապետության Շիրակի մարզի Ախուրյան համայնքի սեփականությունը համարված, ինքնակամ կառուցված և օրինական ճանաչված 26,96 քառակուսի մետր ընդհանուր արտաքին մակերեսով արտադրական նշանակության պահեստը, ինչպես նաև դրա պահպանման ու սպասարկման համար նախատեսված, Հայաստանի Հանրապետության Շիրակի մարզի Ախուրյան համայնքի սեփականությունը հանդիսացող 08-027-0015-0019 կադաստրային ծածկագրով, 0,00816

հեկտար մակերեսով արդյունաբերության, ընդերքօգտագործման և այլ արտադրական նպատակային նշանակության, գյուղատնտեսական արտադրական օբյեկտների գործառնական նշանակության հողամասը (անշարժ գույքի հասցեն՝ Հայաստանի Հանրապետություն, Շիրակի մարզ Ախուրյան համայնք, գյուղ Բենիամին 6-րդ փողոց, 20/1 պահեստ, իրավունքների պետական գրանցման վկայական թիվ 29012025-08-0041) ուղղակի վաճառքով, գնման նախապատվության իրավունքով՝ 56563 (հիսունվեց հազար, հինգ հարյուր վաթսուներեք) դրամ արժեքով, որից՝ 40063 (քառասուն հազար, վաթսուներեք) դրամը շինության արժեքն է, իսկ 16500 (տասնվեց հազար, հինգ հարյուր) դրամը՝ հողամասի, օտարել կառուցապատողին՝ քաղաքացի Յուրիկ Պուշկինի Ալեքսանյանին (ծնված 14/07/1964 թվական):

2. Հայաստանի Հանրապետության Շիրակի մարզի Ախուրյան համայնքի ղեկավարին՝

1) Սույն որոշման 1-ին կետում նշված վաճառքի ընդհանուր գնին հավելել տվյալ գույքային միավորի նկատմամբ, մինչև օտարումը համայնքի անվամբ գույքային իրավունքների պետական գրանցման համար իրականացված վճարները՝ վճարման անդորրագրերի հիման վրա:

2) Հայաստանի Հանրապետության օրենսդրությամբ սահմանված կարգով քաղաքացու հետ կնքել անշարժ գույքի առուվաճառքի պայմանագիր և ապահովել սույն որոշումից բխող իրավունքների պետական գրանցումը՝ քաղաքացու միջոցներով:

3. Սույն որոշումն ուժի մեջ է մտնում քաղաքացի Յուրիկ Պուշկինի Ալեքսանյանին պատշաճ ծանուցելու օրվան հաջորդող օրվանից:

**Հայաստանի Հանրապետության Շիրակի մարզի Ախուրյան համայնքի ավագանու անդամներ՝**

Կողմ - 26

Դեմ - 0

Ձեռնպահ - 0

2. ՄԱՆՈՒԿՅԱՆ  
Ա. ԱՅՎԱԶՅԱՆ  
Ս. ՍԻՄՈՆՅԱՆ  
Կ. ՆԵՐՍԻՍՅԱՆ  
Մ. ՄԱԹՈՍՅԱՆ  
Շ. ԵՂԻԱԶԱՐՅԱՆ  
Վ. ԱՐՇԱԿՅԱՆ  
Ֆ. ԱՆՏՈՆՅԱՆ  
Ն. ՄՈՒՇԵԴՅԱՆ  
Վ. ՀՈՎՀԱՆՆԻՍՅԱՆ  
Թ. ՍՈՒՎԱՐՅԱՆ  
Մ. ՄԱՅՅԱՆ  
Հ. ԱՌԱՔԵԼՅԱՆ  
Հ. ԳԵՎՈՐԳՅԱՆ  
Ա. ԻԳԻԹՅԱՆ  
Ա. ՄՔՈՅԱՆ  
Ա. ՄԿՐՏՅԱՆ  
Ա. ՉԱԼՈՅԱՆ  
Գ. ՄԿՐՏՅԱՆ  
Ա. ՄԱՆՈՒԿՅԱՆ

Ս. ՀՈՎՀԱՆՆԻՍՅԱՆ  
Վ. ԹՈՐՈՅԱՆ  
Ս. ԳՐԻԳՈՐՅԱՆ  
Թ. ՍԱՀԱԿՅԱՆ  
Ա. ԴՐՄԵՅԱՆ  
Մ.ԱՌԱՔԵԼՅԱՆ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՇԻՐԱԿԻ ՄԱՐԶԻ ԱԽՈՒՐՅԱՆ  
ՀԱՄԱՅՆՔԻ ՂԵԿԱՎԱՐ**



**Զ. ՄԱՆՈՒԿՅԱՆ**

12 փետրվարի 2025 թվական  
գյուղ Ախուրյան